



ЭДИР ХҮБҮҮД НАЖААХА ХҮСЭЛЭНТЭЙ

(Түрүүшын спортын мастер Бадма ЖИГМИТОВЭЙ шанда хүртэхын түлөө мурьсөөнөө)

НҮҮЛЭЙ ЖЭЛНҮҮДТЭ Буряад ороной нэрэ хүндые үндэр дээрэ ургэжэ ясадаг баатар сэрэгшэдэй, парти болон ажахын элитэ мэдээжэ хүтэлбэрилэгшэдэй, алдар солото спортсменүүдэй, тренерүүдэй хүндэлэлдэ спортын элдэб зүйлүүдээр мурьсөөнүүд үнгэргэгдэдэг заншалтай болонхой. Тусхайлбал, Советскэ Союзай Геройнууд Илья Васильевич Бадановай, Владимир Бузинаевич Борсоевой, Жамбал Ешеевич Тулаевай, Базар Ринчинович Ринчиной, партиин элитэ ударидагша Микей Николаевич Ермановай, хүдөө ажахын мэдээжэ хүтэлбэрилэгшэд Жамса Банкеевэй, Доржо Доржиевич Банзаровай, бэрхэ тренерүүд Александр Бадмажапович Ринчиновэй, Антон Андреевич Атархановай, суута спортсменүүд - Олимпийн наадануудай чемпион Владимир Сафроновой, дэлхэйн чемпионууд Борис Будаевай, Владимир Ешеевэй, Россин спортын габьяата мастер Надежда Миромановагай, хүдөө ажэрин академин профессор Василий Александрович Шабаевай, мүн бусад солото хүнүүдэй дурасхаалда, хүндэлэлдэ мурьсөөнүүд үнгэргэгдэжэ, зоной анхарал татана, понирхол үүсхэнэ. Иймэ мурьсөөнүүд манай республикын, буряад арадай омогорхол болодог хүнүүдэй дурасхаалые мүнхэлдэг, нэрэ хүндыень улам дээшлүүдэг юм. Гадна тэдэ эдир, залуу хүбүүд, бусадой дүйтдэ хүмүүжүүлэе ехэ удахы шанартай.

Түрүүшын спортын мастер, Буряад Республикын физическэ культура ба спортын габьяата ажал ябуулагша Бадма Бадмажапович Жигмитовэй шанда хүртэхын түлөө боксоор эдиршүүлэй дунда республикын түрүү хуури эзэлхын түлөө мурьсөөн хаяхан Загарайн аймагай Новоильинск хууринда болобо. Буряад ороной нийслэл хотын, арбаа аймагай хүүгэдэй спортын хургуулинуудай 100 гаран эдир боксёр хабаража, мэргэжэл шадабаряа дээшлүүлхэн, арга дүрээ мүнхэн байгаа. Эгээл шухала юмэнийн гэхэдэ, энэ мурьсөөн бэлитэй бэрхэ шэнэ нэрэнүүдэ нээгээ. Эдир спортсменүүд "Хандагатайлес" гэжэ акционернэ бүлгэмэй цехүүд соогуур экскурсида ябажа, хууринай хизаар ороноо шэнжэлгын музейдэ орожо, зүрхэ сэдхэлдэ мартагдашагүй дурасхаал үлөөнэн байна бшуу. Мурьсөө нээлгын парад эдир хүбүүдэй сэдхэлдэ удаан саг соо ханагдажа ябахал. Манай Буряад ороноо түрүүлэн СССР-эй суглуулагдамал командын гэшүүн байхан Бадма Бадмажапович Жигмитовэй намтар тухай судья-соносхогшо дэлгэрэнгээр хөөрөжэ.

Республикын Боксын федерациин вице-президент, Буряад Республикын Президентын ба Правительствоын Аппарадай ахамад мэргэжэлтэ С. Г. Санжиев үгэ хэлэхэдэ, үеынгөө унаган нүхэр тухай, дайнай хүшэр үеёе яажа дабахан тухай, хургуулида хураанан, спортдо ябанан гүлдидэ дулаханар, сэдхэл уяруулмаар хөөрөжэ,



сугларагшадай зүгөө альга ташалгаар утгагдаа.

Саашадаа мурьсөөнэй ахамад судья - Россин Федерациин эрдэм хуралсалай отличник, республикын физическэ культура ба спортын габьяата хүдэлмэрилэгшэ Д. Д. Бабудоржиев, Новоильинскын 1-дэхи дунда хургуулиин директор, Арадай Хуралай депутат В. И. Сафронов, "Хандагатайлес" гэжэ акционернэ бүлгэмэй гүйсэдхэхэ директор Н. П. Корольков, үнгэтэ металлнуудай талаар Монголой-Россин эблэлэй түлөөлэгшэ, уласхоорондын

категориин судья Н. Батсүрэн, эдэ мурьнүүдэй автор болон бусад Бадма Бадмажапович Жигмитовтэ зорюулжа амаршалгын үгэнүүдэ хэлэхэн, баглаа сэсэгүүдэ, дурасхаалай бэлэгүүдэ барюулан байгаа.

Удаань гонг ханхинажа, ринг дээрэ шанга тулалдаанууд эхилбэ. Эдир боксёрнууд наһанай хоёр бүлэгээр хабаяа туршаба. Үдэрһөө үдэртэ нагшагда нагшагдаһаар, эгээл шандааһа шангатай, тулалдаанай яһала хайн арга дүрэтэй боложо ябагшадын шалгаржа, түгэсхэлэй нааданда гараһан байха юм.

Бага наһанай эдиршүүлэй бүлэгтэ эгээл хүнгэн гурбан шэгнүүртэ С. Козлов (Мухар-Шэбэр) - А. Коновые (Онохой), рингын эзэн А. Бельх - нютагайнгаа дунда хургуулиин хурагша С. Аюровые, Г. Неврин - С. Мерсановые (хоюулаа Онохойһоо) илажа, чемпионой нэрэ зэргэдэ түрүүшынхэ хүртэбэ. Яруунын аймагһаа ерэнэн Витя Максимов Мухар-Шэбэрэй командын түлөөлэгшэ Саша Бондаренкэтэй тулалдахадаа, нэгэдэхи раунда нүгөөдэеэ нокаунда оруулжа, илалта туйлаа.

34 болон 36 килограммай шэгнүүрнүүдтэ тэмсэл улам эршэдэһэн байна. Андрей Шитин (Мухар-Шэбэр) Мэргэн Натаронтой (Новоильинск) тулалдахадаа, дүршэл ехэтэй байһанаа харуулаа. Яруунын аймагай чемпион Чингис Цыренжапов Алёша Нуратдинов (Новоильинск) хоёрой уулзалга харагшадай анхарал татаа. Эндэ дүршэл ехэтэй А. Нуратдинов

нютагайхидайнгаа дэмжэлгэ доро шүүжэ гараба. Тийгэжэ тэрэ 38 килограммай шэгнүүртэ түрүү хуури эзэлэе. Бусад шэгнүүрнүүдтэ А. Андрусенко (Новоильинск) В. Обединие (Горхон), И. Рогов (Новоильинск) А. Афанасьевые (Улаан-Үдэ), В. Доржиев В. Трофимовые (Улаан-Үдэ), А. Алексеев (Новоильинск) С. Цыремпиловые (Сэлэнгэ), Б. Бадмаев (Новоильинск) В. Сынгеевые (Загарай), И. Мокрецов (Улаан-Үдэ) А. Ефимовые (Мухар-Шэбэр), Ж. Кочетов (Онохой) Е. Цыренжаповые (Новоильинск) диилэжэ, республикын чемпионууд болоһон байха юм. Аха наһанай бүлэгтэ Улаан-Үдын республиканска спортын хургуулиин түлөөлэгшэд Р. Чичерев, М. Цыдынжапов гэгшэд гоё хайханаар наадажа, түрүү хуури эзэлэе. Хорихоо Алёша Сенотрусов, Кабанскаа Саша Степанов, Слава Шмельков гэгшэд өөһэд өөһэдүнгөө шэгнүүрнүүдтэ онсо шалгархан байха юм.

Аха наһанай бүлэгтэ Матвей Цындыжапов 26 дахин рингдэ гаража тулалдахадаа, бүхы уулзалгадаа илалта туйлаба. Ийгэжэ тэрэ мурьсөөнэй эрхим бэрхэ боксёр гэжэ тоологдон, магнитофоноор шагнагдаа. Волода Будеев (Улаан-Үдэ) Саша Шараев (Онохой) хоёрой уулзалга илангаяа шанга тэмсэлдэ үнгэржэ, сугларагшадай магтаалда хүртэбэ. Тийгэжэ судейскэ коллгеи энэ уулзалгыг эгээл гоё хайхан тулалдаа: болобо гэжэ тоолоод, тэдэнэртэ тусхай шангууды өмгөһон байна.

Ийгэжэ Буряад ороной суута боксёр Бадма Жигмитовэй шанда хүртэхын түлөө боксоор республикын түрүү хуури эзэлхын түлөө мурьсөөн хайнаар эмхидхэгдэе. Энэ талаар "Хандагатайлес" гэжэ акционернэ бүлгэм (гүйсэдхэхэ директорын Н. П. Корольков), XXI партсьездын (түрүүлэгшэнь Ю. Г. Зарипов), Карл Марксын нэрэмжэтэ колхозууд (түрүүлэгшэнь Б. Н. Чимитов), Загарайн ПМТС (директорынь А. Е. Корнаков) болон бусад предприятинууд эмхинүүд, хургуулинууд спонсорнууд боложо, мүнгэ зөөрээр туһалба.

Илагшадта республикын Эрдэм хуралсалай министртын, респорткомитедэй Хүндэлэлэй грамотанууд, дурасхаалай медальнууд, үнэтэ бэлэгүүд, мүнгэн шангууд барюулагдаа.

Б.М. ЖИГЖИТОВ.
ЗУРАГУУД ДЭЭРЭ: мурьсөө нээлгын парадай үедэ; шанга тулалдаан; уласхоорондын категориин судья Батсүрэн; Н. П. Корольков, В. И. Сафронов гэгшэд илагшадта шангууды барюулжа байна.

Ц. ЦЫРЕНЖАПОВАЙ фото.





УРАН БЭЛИГЭЙ НАЙНДЭР

“НИНА ТОКУРЕНОВА

УРИНА”

Иигэжэ нэрлэгдэн шоу-наадан найхан буряад драмын академическэ театрай тайзан дээрэ ехэ амжалтагайгаар үнгэргэгдэн байна. Нааданай эхиндэ “Түнхэнэй ёхорой аялганууды” Россин габьяата артистка таталуулан дуулахадань (тайзанай арын подиум дээрэ байгаад, доро байһан эстрадна дуушад дабталгыень дэмжэн хатаралдаба:

Ёхой, ёхой, ёхой даа,
Ёхорложо наадаля!

Мэдээжэ артисткын эмхидхэнэн энэ концерт-шоуда тэрэнэй нааданай зүжэгүүдхээ хэнэгүүд, шүлэгүүд, хатарнууд, эстрадна дуунууд, бэшгүүдхье, а м а р ш а л г а н у у д ш ь е оруулагдаһан байба. Дүрбэн тэгшэ бэлигтэй энэ артистка гүнзгэ удахтай образуудышье гаргаха, шогтой хүюун абаритай эхэнэрнүүдэй, хүгжэмэй рольнуудые бэрхээр наадаха арга шадабаритай байһандань харагшад халуун алыга ташалгаар угтаа.

Олон зүжэгүүдхээ, нэрлэбэл, Б-М. Пурбуевай “Наймаан найман хүлтэй”, Д. Дылыгровэй “Амар заяагүй амаралта”, Ц. Шагжинай “Будамшуу”, бусад зүжэгүүдхээ хэнэгүүдтэ амаргүй бэрхээр наадаһан Нина Гармаевнагай гаргаһан образууд булта тодо, ялас гэмэ хүрса, тэдэнэйнь зүрхэ сэдхэлые, һанал бодолые, уг зорилгыг таахаар байгаа. Эдихэ, абахын түлөө хүн нэрээ мартаһан, баяжаха бүрээ улам саашаа хомхойрһон, аяр холын баруун Европо тээшэ “нюдөө” табиһан бардам наймааша эхэнэр “мадам Дамбаевагай” ролие шадамар бэрхээр харуулаһан Г.Г. Токуренова олоной найшаалда хүртөө. Билдагууша, дорон унажа байдаг, “хэ” гэхэн юумыень хэдэг, суг танго

хатаралсаһан, торшогорхон бзетэй, нүхэрэйн роль гүйсэдхэнэн республикын арадай артист Чимит Ринчинов бэлигтэй артисткада уран бэлигээрэ туһалаа, образынь тодо болгожо үгөө. (“Наймаан найман хүлтэй” гэхэн зүжэг).

Эхын нангин үүргэ, уян сэдхэл тухай (Д. Дылыгровэй зүжэгтэ) найхан үгэнүүдые хэлэнэн Нина Гармаевна ехэ зохидоор эхэ тухай дуу дуулана. Хүбүүдэйн рольдо Эрдэни Жалцанов, Баир Дышенов (тэдэнэр ехэ бэрхээр үдэшые Нина Гармаевнагай суг хүтэлэлсөө) гэгшэд наадана.

Олондо мэдээжэ “Будамшуу” зүжэгтэй хэнэгтэ Буряад Республикын Гүрэнэй шангай лауреадууд болоһон Нина Токуренова (Пиглай), Чимит Ринчинов (Норни) гэгшэдэй ехэ хүюугтээр наадахада, харагшад энээдэн угтаа, алыга ташаа.

Ц.Д. Дондоковагай “Наран-Хада” гэхэн шүлэг Россин габьяата артистка уран гоёор уншажа, уянгата сэдхэлэй баяр түрүүлбэ. Нина Токуренова гансашье харагшадаа энэ найр наадандаа уряа бэшэ, мүн зохёохы ажалтай, дууша сэдхэлтэй нүхэдөө уряа гэжэ тэмдэглэхээр. Энэ концерт-шоуда “Тэнгэри” студиин мэдээжэ дуушад, залуу композиторнууд, Дымбрыловтэнэй гэр булын ансамбль хабааһан байна.

“Тэнгэри” студиин бэлигтэй дуушан, Бүхэроссин конкурсн дипломдо хүртэһэн Андрей Чимитдоржиевай гоёор дуулахада, шагнагшад ехэ дулаанаар угтаа. Дуран тухай, мүн “Басаган”, хүлисөөрэй” гэхэн дуунуудаа ябажа, хатаран

байжа, ехэ зохидоор тэрэ дуулаа.

Энэ үдэшэ зональна конкурсн лауреат, “Сагаан нара” гэхэн эстрадна дуунай, бусад конкурснуудта шалгарһан Елена Антонова найхан дуунуудаа бэлэглээ.

Залуу композиторнууд Бэлигтэ Будаев, Агбан Борбоев гэгшэд өөһэдөө гансашье дуунуудые найруулдаг бэшэ, мүн гоё найханаар дууладаг байһанаа гэршэлээ. “Бусан ерыш” гэхэн дуугаа Бэлигтэ Будаев Елена Антоноватай гоёор дуулажа, аргагүй халуунаар уугадаа. Агбан Борбоевой дуунууд баһал ехэ зохида байгаа.

Залуу дуушан Данзан Бальжинмаевтай дуунууд олондо найшаагдаа. “Сагаан нара” гэхэн телевизионно эстрадна дуунай конкурсдо шалгарһан Данзан өөрөө бэрхэ композитор юм.

Дымбрыловтэнэй бүлэг Нина Гармаевнагай найхан амаршалгын үгэнүүдые хэлээд, бэлэг болгон П. Дамирановай “Сэлмэг үдэшэ” гэхэн дуу бариба. Эндэ сугларагшадта “Унаган хайр” гэхэн монгол вальс тэдэнэр зориулаа.

Энэ үдэшэ ехэ дулаанаар үнгэрөө. Эндэрэн харагшад, шагнагшад тайзан дээрэ наадаһан, дуулаһан артистнуудые ехэ халуунаар уугажа абадаг байгаа гэжэ тэмдэглэхээр. “Бис”, “Браво!” гэхэн хашхарадаанууд дуулаа. Мэдээжэ артисткын ёхоройн дүхэригтэ эндэ сугларһан артистнууд - нүхэдын, шагнагшадын, түрэлхидын, нютагаархидын Нина Гармаевнагай бэлигыень дэмжэжэ, найндэрэй баярай байдал тогтоогоо гэжэ тэмдэглэхээр.

Б. ОРБОДОЕВА.

зохёохо гэжэ найданабди, гэжэ В. А. Усович хэлээ һэн.

Фестивалиин гурбадахи үдэртэ Виктор Алексеевич Усовичой зохёохыгажалай үдэшэ үнгэрөө.

1970 ондо Улаан-Үдэн хүгжэмэй училищи, 1975 ондо М. Мусоргскиин нэрэмжэтэ Ураалай консерватори тэрэ дүүргэһэн намтартай. 1976 ондо СССР-эй Композиторнуудай холбооной гэшүүн болоһон юм.

В. А. Усовичой зохёон найруулганууд бүхэроссин хүүгэдэй фестивалнуудта гүйсэдхэгдэдэг, үхибүүдуулаха дуратай. “Принцесса на горшине”, “Зайкина избушка”, “Репка” гэхэн хүгжэмтэ онтохонуудта зохёогдоһон хүгжэм энэ үдэшэ зэдэлжэ, нэръемэ алыга ташалгаар утгадаа.

- Засагай дээдын зургаднай хүтэлбэрилэгшэдэй хүүгэдэй бэлиг талаан ерэгжэ хараха, байрлаха саг олоогүй байһаниинь ехэ гомдолтой. Соёл ба политика, экономико бултадаа нягта холбоотой ха юм даа, - гэжэ В. А. Усович пресс-конференцидэ һанамжаа мэдүүлээ.

Фестивалиин үедэ олохон шийдхэгдэггүй асуудалнууд мүн лээлээр гаража ерээ. Хүгжэмэй хургуулинуудай хажуугаар хото бүхэндэ юрын хургуулинуудта тусхай эстетическэ шэнжэтэй уран найханай хэшээлнүүд ябуулагдадаг ха юм. Тиймээ тэндэ һурадаг хүүгэдэй уран бэлиг ямар конкурсдо, фестивалда сэгнэгдэхэ болоно? Хүүгэдэй хоорой конкурс эмхидхэгдээ наа, найн гү, али фестивал эмхидхэхэ гү гэхэн асуудалаар мүн лэ олоной һанамжа хэлэгдээ.

Хүүгэдэй хоорой хүгжэмэй хургуулинуудай регионий түб Улаан-Үдэдэ байгуулаха саг ерээ гэжэ энэ фестивал харуулаба гэшэ. Үхибүүдэй 3-дахи хүгжэмэй хургуулийн “Кантилена” хоор, бусад бэрхэ коллективүүд Россин хоорой хургуулинуудай федерацида орохо аргатай гэжэ тэмдэглэгдэбэ. Тиймэхээ түрүүшынхиеэ эмхидхэнэн фестивал заншалта болоходоо, манай хүүгэдэй хоорой бэлиг шадабари саашадаа улам мүлгэжэ, амжалтануудые туйлаха гэжэ найдахаар.

Е. ЦЫБЕНОВА.

Наһанайнь хайрата нүхэр
Галина Ивановнагай
гэнэ усалда орожо, наһа
бараһан ушараар Буряад
Республикын Арадай Хурал
Буряад Республикын Арадай
Хуралай депутат
А.Т.Стопичевто гүнзгы
шаналалгашуудалаа мэдүүлэнэ.



Лицей-интернадагй хурагшад ятар гээрэ наадана.

М. ШАНТАКОВОЙ фото.

Эмхидхэн байгуулагшад - Буряад Республикын Президент, Арадай Хурал болон Правительство

<p>Редактор А. Л. АНГАРХАЕВ. РЕДАКЦИОННОКОЛЛЕГИ: РИНЧИНОВ С. Д. (редакторай орлогшо), ЖИГЖИТОВ Б-М.Ж. (харюусалгата секретарь), ГАРМАЕВ Р.Б. (Буряад Республикын Президентын ба Правительствоын аппарат), СУИДАРОН Д.Д. (Буряад Республикын Арадай Хурал), таһагуудые даагшад: ДАШЕЕВА Г.Х., ДОНДОГОЙ Ц.Ц., ОЧИРОВ С. Д., САМБЯЛОВА Т. В., ПИНТАЕВ В.И. (хэблэлэй директор).</p>	<p>Манай адрес: 670000, Улаан-Үдэ, Каландаршвиллин үйлсэ, 23, "Буряад үнэн" газетын редакци.</p>	<p>Газетэ хэблэлэй 2 хууданан хэмжээтэй. Индекс 50901. Хэһэг 4170. Хэблэлдэ тушаагдаһан саг 17.00.</p>	<p>"Республиканска типографи" гэхэн АО-до газетэ хэблэгдээ. Директорэйн телефон: 2-40-45. Б-0079-дэхи номертойгоор бүрилдхэдэ абтагдай. Заказ № 7772.</p>
--	--	--	---

Редакциин телефонууд: редакторай - 2-50-96, приёмнын - 2-54-54, редакторай орлогшын - 2-68-08, харюусалгата секретарин - 2-50-52, секретарида - 2-62-62, таһагууд: нийтин-политическэ - 2-55-97 (даагшань), 2-61-35, 2-56-23, социально-экономическэ - 2-64-36 (даагшань), 2-63-86, 2-61-35, 2-67-81, соёлой, эрдэмэй болон хургуулинуудай - 2-60-21 (даагшань), 2-57-63, олонитын хүдэлмэрийн ба мэдээсэлэй - 2-54-93 (даагшань), 2-34-05, 2-69-58; оршуулгын - 2-67-81; корректорнүүдэй - 2-33-61, компьютерна түбэй - 2-66-76. Манай корреспондентнүүд: Агинскда - 3-42-19; Закаменскда - 30-61.
"Бурятия" хэблэлэй телефонууд: директор - 2-49-94, бухгалтери - 2-23-67, вахта - 2-35-95.